

Meerara akiuussutissinneqassaaq

Nappaatinut akiuussutissinneqarneq

Meeqqavit nappaatinut tuniluuttunut makkununga akiuussutissinneqarnissaa, Nunatsinni Nakorsaaneqarfiup Peqqinnissaqarfiullu inassutigaat:

- Sakiilluut tuberkulose (TB)
- Tingulluut hepatitis B (tingukkut aseruuttoorneq tuniluuttoq imm. B)
- Toqusaarlunneq navianaatilik (difteri)
- Noqarneq (tetanus)
- Ilummoorneq (kighoste)
- Nukillaarneq (polio)
- Meningitis (qaratsap ameraasaagut torlukkullu aseruuttoorneq tappiorannartunik Haemophilus influenza-nik imm. b-mik (Hib) patsiseqartoq
- Meningitis (qaratsap ameraasaagut aseruuttoorneq) nappaatillu allat navianaatillit tappiorannartumik pneumikokkimik patsiseqartut
- Mæslingi
- Savarneq
- Qimmeralanneq/aappaluararneq
- Tappiorannartumik human papillomavirus/HPV-mik patsiseqartumik illissap paavagut kræfteqalersinnaaneq (niviarsiaqqanuinnaq)

Neqeroorutaavoq

Meeqqanik akiuussutissiineq nammineq piumassutsimik tunngaveqarpoq akeqaranilu.

Sumiiffinni neqerooruteqarneq assigiinngissuteqarsinnaavoq, meeqqavilli inassuteqaatit naapertorlugit akiuussutissinneqarnissaanut neqeroorfigineqarnissap qulakkeernissaa nalornissutigigukku, tamatigut [peqqinnissaqarfimmuut saaffiginnissinnaavutit](#).

Atortussanik allanik paasiniaaffissat

[Kalaallit Nunaanni pitsaaliuinialuni meeqqanik misissuisarneq akiuussutissiisernerlu - Angajoqqaanut](#) (Nutarterneqarpoq 2022)

[Kalaallit Nunaanni meeqqanik akiuussutissiisernerup aaqgissugaanera - Meeqqavit akiuussutissinneqarnissaa pillugu paasisutissaq](#) (Nutarterneqarpoq 2022)

[Tingulluummut hepatitis B-mut akiuussutissinneqarneq - 12-inik ukiulinnut angajoqaavinullu paasissutissiissut](#)

-->